

Javna ustanova Opća bolnica
„Prim. dr. Abdulah Nakaš“
Upravni odbor
Broj: 44-450-147
Sarajevo, 26.08.2024. godine

Na osnovu člana 17. Zakona o javnim nabavkama ("Službeni glasnik BiH" broj: 39/14, 59/22), člana 20. Statuta Javne ustanove Opća bolnica „Prim. dr. Abdulah Nakaš“, člana 7. stav 3. Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i člana 36. Poslovnika o radu Upravnog odbora broj 100-151/21 od 07.10.2021. godine, Upravni odbor na XLII vanrednoj sjednici održanoj dana 26.08.2024. godine donio je

O D L U K U

o V Izmjenama i dopunama Plana nabavki Javne ustanove Opća bolnica „Prim. dr. Abdulah Nakaš“ za 2024. godinu

Član 1.

Ovom odlukom Upravni odbor Javne ustanove Opća bolnica „Prim. dr. Abdulah Nakaš“ utvrđuje V. Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2024. godinu, kao u prilogu.

Član 2.

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-450-29/24 od 20.02.2024. godine.

Član 3.

Ova Odluka stupa na snagu danom donošenja a ista će, zajedno sa V. Izmjenama i dopunama Plana nabavki, biti objavljena na Portalu javnih nabavki i na internet stranici Javne ustanove Opća bolnica „Prim. dr. Abdulah Nakaš“ (www.obs.ba).

O b r a z l o ž e n j e

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje nisu planirane u osnovnom Planu nabavki, te došlo i do izmjena pojedinih stavki osnovnog Plana nabavki u dijelu koji se odnosi na finansijsku vrijednost nabavke. Shodno prednjem utvrđena je V. Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2024. godinu.

Naime, radi se o sljedećem:

ROBE

Stavka 1. – Višepotrebni spremnik za sodu lajn za anesteziološki aparat MAQUET – Na zahtjev prim.dr. Begić Senade, šefa Odsjeka za anesteziju i reanimaciju, a zbog ukazanih potreba za nabavkom naprijed navedene robe, dodata je nova stavka. Predmetni postupak provest će se putem direktnog sporazuma, te će isti biti odobrena novčana sredstva u iznosu od 2.580,00 KM.

Stavka 2. Izmjenjivač topline u Podstanici 50 – U svom zahtjevu šef Odjeljenja za tehničke poslove i investicije, Bičakčić Nedžad, dipl.ing.maš., ukazao je na kvar glavnog izmjenjivača topline para/voda u toplotnoj podstanici DANFOS, u podstanici P50. Predmetni izmjenjivač služi za pokretanje grijanja, kao i snabdijevanje toplom sanitarnom vodom u zgradi Uprave i Poliklinike. Upravni odbor je prednji zahtjev cijenio osnovanim, te je zahtjevu udovoljeno. Postupak nabavke provest će se putem konkurentskog zahtjeva za dostavu ponuda, te će za isti biti odobrena novčana sredstva u iznosu od 11.380,00 KM.

Stavka 3. Jednokratne tvrde IVD Kapsule PSP za aparat PSP (pancreatic stone protein) – Šefica Odjeljenja za anesteziju, reanimaciju i hiruršku intenzivnu njegu, prim.dr. Elma Vukotić, dostvila je zahtjev za izmjenu plana javnih nabavki na način da se u isti uvrsti nabavka medicinskog potrošnog materijala kako je naprijed navedeno. Kako su kapsule neophodne za rad aparata koji je u vlasništvu bolnice to je zahtjevu udovoljeno. Predmetni postupak provest će se putem direktnog sporazuma, te će za isti biti odobrena novčana sredstva u iznosu od 6.000,00 KM i to za period od godinu dana, odnosno do utrošenih sredstava.

Stavka 4. Servis aparata Aurigia XL u operacionom bloku za potrebe urologije - Šef Odjeljenja za tehničke poslove i investicije, Bičakčić Nedžad, dipl.ing.maš. podnio je zahtjev za nabavkom usluga, odnosno Servis aparata Aurigia XL u operacionom bloku za potrebe Urologije. Kako je uslijed redovne upotrebe predmetnog aparata došlo do kvara na istom, to se zahtjev smatra opravdanim, te je istom udovoljeno. Postupak nabavke provest će se putem konkurentskog zahtjeva za dostavu ponuda, te će za isti biti odobrena novčana sredstva u iznosu od 7.880,00 KM.

Stavka 5. Projektovanje za potrebe veteranskog odjela bolnice, izrada građevinskih, mašinskih i elektro projekata – Stavka 424. osnovnog Plana nabavki za 2024. godinu mijenja se u pogledu povećanja iznosa planiranih novčanih sredstava, na način da se umjesto dosadašnjih 42.000,00 KM, planiraju sredstva u iznosu od 55.000,00 KM. Povećanje od 13.000,00 KM, u odnosu na prvobitno planirana novčana sredstva smatra se opravdanim zbog porasta cijena roba na tržištu, a koje su u vezi sa predmetom nabavke. Povećanje ukupne cijene nabavke rezultiralo je i promjenom vrste postupka, tako da će umjesto konkurentskog zahtjeva za dostavu ponua, biti proveden otvoreni postupak. Za provođenje predmetne nabavke obezbijedena su novčana sredstva iz budžeta Federalnog ministarstva zdravstva.

Stavka 6. Servis CPM aparata "Rimac Physiotek 3000" - Šef Odjeljenja za tehničke poslove i investicije, Bičakčić Nedžad, dipl.ing.maš. podnio je zahtjev za nabavkom usluga, odnosno Servis CPM Aparata „Rimac Physiotek 3000“ koji se koristi za rehabilitaciju pacijenata kod ugradnje proteze koljena i ligamenoplastike za potrebe Odjeljenja za fizikalnu medicinu i rehabilitaciju. Kako je uslijed redovne upotrebe predmetnog aparata došlo do kvara na istom, to se zahtjev smatra opravdanim, te je istom udovoljeno. Postupak nabavke provest će se putem direktnog sporazuma, te će za isti biti odobrena novčana sredstva u iznosu od 3.345,00 KM.

Stavka 7. Interventni servis tri aspiracione pumpe VACUS 7308 DIXION- Šef Odjeljenja za tehničke poslove i investicije, Bičakčić Nedžad, dipl.ing.maš. podnio je zahtjev za nabavkom usluga, odnosno Interventni servis tri aspiracione pumpe VACUS 7308 DIXION. U svom zahtjevu pojasnio je da su prilikom preventivnog i interventnog održavanja aspiratora uočeni kvarovi na tri aspiratora. Imajući u vidu činjenicu da se aspiratori na kojima su uočeni kvarovi koriste u Operacionom bloku, Nehirurškoj intenzivnoj njezi i Odjeljenju za neurologiju, posebno znajući da su isti od velike važnosti za pacijente, zahtjev se smatra osnovanim, te je istom udovoljeno. Postupak nabavke provest će se putem direktnog sporazuma, te će za isti biti odobrena novčana sredstva u iznosu od 4.460,00 KM


Gore navedene izmjene su izvršene u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24), kao i podzakonskim aktima.

Imajući u vidu sve naprijed navedeno odlučeno je kao u članu 1 ove Odluke.

PRIPREMILA:


Emina Turković, dipl.iur.

Stručni saradnik za Javne nabavke



Predsjednik Upravnog odbora

Prim. dr. Sead Željo



DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- Odsjek za javne nabavke
- a/a